



ORDENANZA FISCAL 15/2009 REGULADORA DA TAXA POLA UTILIZACIÓN PRIVATIVA OU O APROVEITAMENTO ESPECIAL CONSTITUÍDOS POLA INSTALACIÓN DE QUIOSCOS NA VÍA PÚBLICA

PREÁMBULO

No uso das facultades concedidas polos artigos 133.2 e 142 da Constitución española, e polo artigo 106 da Lei 7/85, de 2 de abril, reguladora das bases do réxime local, e de conformidade co disposto nos artigos 15 ao 19 do Real decreto legislativo 2/2004, de 5 de marzo, polo que se aproba o texto refundido da Lei reguladora das facendas locais, o Excmo. Concello de Pontevedra establece a taxa pola utilización privativa ou o aproveitamento especial do dominio público local constituídos pola instalación de quioscos na vía pública, a que se refire o artigo 20.3.m) do citado Real Decreto Legislativo, que se rexerá pola presente Ordenanza, e cuxas normas atenden ao previsto no artigo 57 do mesmo texto legal.

Artigo 1. Feito imponible.

Constitúe o feito imponible desta taxa a utilización privativa ou o aproveitamento especial do dominio público municipal que se deriva da realización de ocupacións en terreos de uso público local con quioscos ou outras pequenas construcións removibles de características análogas.

Artigo 2. Suxeitos pasivos

Son suxeitos pasivos contribuíntes as persoas físicas ou xurídicas e as entidades sen personalidade xurídica ás que se refire o artigo 35.4 da Lei 58/2003, do 17 de decembro, xeral tributaria, a cuxo favor se outorguen as licenzas ou concesións, ou quen se beneficien do aproveitamento, se aínda non se concedera a oportuna autorización.

Artigo 3. Responsábeis

Os supostos de responsabilidade, xa sexa subsidiaria ou solidaria, serán os previstos na normativa tributaria.

Artigo 4. Beneficios fiscais

Non poderán recoñecerse outros beneficios fiscais que os expresamente previstos nas normas con rango de lei ou os derivados da aplicación dos tratados internacionais.

Artigo 5. Base imponible

1. Tomarase como base para a determinación do importe desta taxa o valor de mercado que tería a utilización privativa ou o aproveitamento especial, e todo en función do tipo de aproveitamento, do tempo de duración do mesmo ao longo do ano e da categoría da vía pública onde se sitúen.

2. No suposto de que se utilicen procedementos de licitación pública, o importe da taxa virá determinado polo valor económico da proposición sobre a que recaia a concesión, autorización ou adxudicación.

Artigo 6. Cota tributaria

1. A contía da taxa regulada nesta Ordenanza será a resultante da aplicación ás tarifas contidas no presente artigo, o correspondente coeficiente fixado no punto 4 do mesmo, agás no suposto de que se utilicen procedementos de licitación pública. Neste último caso, a contía da taxa será o

valor económico da proposición, que en ningún caso poderá ser menor da cantidade resultante da aplicación do disposto nos apartados seguintes.

2. A taxa esixirase de acordo co seguinte cadro de tarifas:

ACTIVIDADE	TARIFA ANUAL (€)
a) Quioscos dedicados á venda de bebidas alcohólicas, cafés, refrescos, masas fritas, etc.	602,60
b) Quioscos dedicados á venda de prensa, publicacións, libros, expendeduría de tabaco, loterías, larpeiradas, etc.	602,60
c) Quioscos dedicados á venda de xeados e demais artigos propios de temporada	301,30
d) Outros quioscos non especificados	602,60

3. Os titulares dos quioscos que acrediten unha minusvalía do 33% ou superior, así como postos de venda da ONCE ou similares terán unha redución do 25% nas tarifas sinaladas no apartado anterior, sempre que atendan os mesmos, persoas cun grado de minusvalía igual ou superior ao mencionado.

4. Sobre a tarifa así determinada aplicarase a seguinte escala de coeficientes, en función da categoría fiscal da rúa onde se sitúen as ocupacións, segundo as categorías previstas na Ordenanza fiscal reguladora do imposto de actividades económicas:

CATEGORÍA	COEFICIENTE
Rúas de 1ª categoría.....	1,4
Rúas de 2ª categoría.....	1,2
Rúas de 3ª categoría.....	1,0
Rúas de 4ª categoría.....	0,9
Rúas de 5ª categoría.....	0,8

5. Os parques e prazas públicos asimílanse, aos efectos desta taxa, a rúas da categoría máis alta daquelas que os circundan. Cando a ocupación se sitúe na confluencia de dúas rúas, aplicarase o coeficiente correspondente á de categoría máis alta.

Artigo 7. Período impositivo e devengo

O período impositivo coincidirá co ano natural. A taxa devengase o primeiro día do período impositivo, salvo nos casos de alta ao longo do período impositivo, en cuxo caso devengase no momento da ocupación.

NORMAS DE XESTIÓN

Artigo 8. Autoliquidacións o declaracións

1. Os suxeitos pasivos están obrigados a presentar as oportunas autoliquidacións coa alta e as declaracións de baixa.

2. As citadas autoliquidacións ou declaracións deberán ser presentadas, nos 5 días naturais da:

- a) Instalación, nos casos de alta.
- b) Retirada e reparación, nos casos de baixa.

3. A presentación fora de prazo da declaración de baixa producirá efectos desde a súa presentación, de acordo co disposto no artigo 119.3 da Lei 58/2003, sen prexuízo das sancións que se poidan impoñer.

4. O prazo de pago en período voluntario das autoliquidacións será de cinco días naturais.

Artigo 9. Xestión



1. A taxa xestionarase mediante padrón que, unha vez aprobado polo órgano competente, exporase ao público polo prazo dun mes no taboleiro de anuncios deste Concello. En todo caso, publicaranse os anuncios de exposición no Boletín Oficial da Provincia.
2. As autoliquidacións de alta producirán a incorporación dos suxeitos pasivos ao padrón do período impositivo seguinte a aquel no que se efectúen as citadas autoliquidacións.
3. As declaracións de baixa producirán a baixa no padrón do período impositivo seguinte a aquel no que se efectúen as citadas declaracións.
4. En ningún caso, a presentación de autoliquidacións ou declaracións, ou o pago da cota implicará que se entendan como autorizadas polo Excmo. Concello de Pontevedra as distintas instalacións.
5. As cantidades esixibles con arranxo ás tarifas liquidaranse mediante recibo ou autoliquidaranse por cada aproveitamento solicitado ou realizado e serán irredutibles polo período sinalado.

Artigo 10. Autonomía da taxa

A taxa regulada nesta Ordenanza é independente e compatible coa taxa por ocupación de terreos de uso público por mesas e cadeiras con finalidade lucrativa

DISPOSICIÓN ADICIONAL

1. A contía da cota da taxa poderase actualizar conforme ao Índice de Prezos do Consumo (IPC) establecido para o Estado polo Instituto Nacional de Estatística (INE).
2. O cálculo da actualización farase tendo en conta a evolución do IPC durante período comprendido entre o mes de agosto do ano no que se aprobara a última actualización e o mes de xullo do ano inmediatamente anterior ao da súa aplicación a, ambos inclusive.
3. A actualización requirirá, para a súa efectividade, a súa aprobación polo Pleno, conforme ao procedemento previsto no artigo 17 do Real decreto legislativo 2/2004.

DISPOSICIÓN FINAL

A presente modificación da Ordenanza, aprobada polo Pleno da Corporación na súa sesión do día 21 de decembro de 2001, aprobouse polo propio Pleno na súa sesión do día 24 de outubro de 2008, e, unha vez publicada integramente no Boletín Oficial da Provincia, entrará en vigor o 1 de xaneiro de 2009, producindo efectos ata a súa modificación ou derrogación.